



Inatsisartunut ilaasortaq
Malik Berthelsen
-/maani

Inatsisartunut ilaasortap, Malik Berthelsenip, Siumut, § 37 atorlugu apeqqutaanut allakkatigut akissuteqaat.

09. feb 2012
Sagsnr. 2012-061308
Dok. Nr. 822640

Inatsisartunut ilaasortamut qujavunga apeqqutigisaanut, isumaqatigilluinnarlugulu anertuumik pinarveersaartitsissutaasinnaasut sammilluassagivut.

Postboks 1160
Tlf: 34 50 00
Fax: 32 55 05
3900 Nuuk

Email: pn@nanoq.gl
www.nanoq.gl

Apeqqutit ukuuppút:

1. Meeqqat Atuarfiini ilinniarfinnilu ingerlaqqiffiusuni peqqinnissamik atuartitsinerup qaffassarnissaanut aammalu peqqissutsimut politikkeqalernissaannut, kikkunuka "soqutigisaqartut allat" suleqatigineqarnissaat eqqarsaatigineqartut ?
2. Tupanik nioqqutissiat puuini ullumikkornit annerusumik/allaanerusumik paassutissamik allannguutaasussatut suunukua eqqarsaatigineqartut ?
3. Nunani allani tupat puuisa mianersoqqussutinik assiliartalersuiffiusuni qanoq sunnuteqarsimaneranik ilisimalikkanillu Naalakkersuisuniit piniarniarlusi neriorsuinikuugassi, sumummita killippa ?

1-imut)

Peqqissutsimut Naalakkersuisoqarfiup suliassat pingaarnerusut isumagisarpai, peqqinnerulernissamik pinaveersaartitsinissamillu suliniutinut periusissamik ineriartortitsinerit, pilersaarusionerit, ataqatigiissaarinerit aamma ineriartortitsinerit pineqaraangata.

Peqqinnerulernissamik pinaveersaartitsinermillu suliniutit iluatsilluassappata soqutigisaqatigiit attuumassuteqartut akulerutsinneqartariaqarput. Atuarfinni peqqissutsimik ilinniaritsineq aamma peqqissutsimut politikkit pineqaraangata pingaartuuvoq Peqqissutsimut Naalakkersuisoqarfiup, ilinniaritaaanermut aamma ilisimatusarnermut Naalakkersuisoqarfiup, Inerisaaviup, ilinniarfissuup aamma kommunit akornanni suleqatigiilluni sulisoqarnissaa. Peqqissutsimut Naalakkersuisoqarfik peqqissusermut tunngasunik ilinniagaqarsimanerup tungaatigut ilanngussaqaarsinnaavoq, suleqatigisallu ilinniaritaaanermut akisussaasut ilinniaritseriaatsit, ilinniagassatigut anguniakkat il.il. pillugit ilisimasani ilanngussaqaarsinnaallutik.

Peqqissutsimut politikkit atortuulersinneqarnissaannut atatillugu suliniutit iluatsilluassappata atuarfinni siulersuisut, angajoqqaat, ilinniaritsisut allallu sulinermut aamma akuutinneqartariaqarput.

2-mut)

Peqqissutsimut Naalakkersuisoqarfik pujortartarunnaarsitsiniarluni nuna tamakkerlugu periusissamik maannakkorpiaq suliaqarpoq, assigiinngitsutigut suliniutit, iliuutsit tusa-

gassiorfiillu aqputigalugit inuiaqatigiinni ukioqatigiiaat tamaasa akulerutsinneqarnissaat anguniarlugu.

3-mut)

Ilumoorpoq Peqqissutsimut Naalackersuisoqarfiup neriorsuutigisimammagu allatigut aamma assitatigut mianersoqqusinerit akuleriissillugit sunniutaasa misissorneqarnissaat.

Misissuinermi tassani paasisat takutippaat, assitalersuinerup piviusumik sunniutaa pillugu ilisimasat killeqartut, ilisimatuulli akornanni nalinginnaasumik isumaqatigiissutaavoq peqqinnissaq pillugu paasisitsiniaanermi assitalersuilluni mianersoqqussutit allatigut mianersoqqussutinngarnit annertunerusumik pingaaruteqartut.

Assitalersuilluni mianersoqqussutit kisiisa atorneqarsinnaanngillat, allatigulli aamma iliuuseqarnikkut pujortartartut ikilisinneqarnissaannut ilapittuutaasinnaapput.

Pujortartarunnaarsitsiniarluni nuna tamakkerlugu periusissami takkuttussami assitalersuilluni mianersoqqussutit atorneqartalnissaat periarfissatut ilaatinneqarpoq.

Inussiarnersumik inuulluaqqusillunga


Agathe Fontain



SIUMUT INATSISARTUNI ILAASORTAATITAT

Nuuk, 26. januar 2012

Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Meeqqat Atuarfiini ilinniarfinilu ingerlaqqiffiusuni peqqinnissamik atuartitsinerup qaffassarnissaanut aammalu peqqissutsimut politikkeqalernissaanut, kikkunuka "soqutigisaqartut allat" suleqatigineqarnissaat eqqarsaatigineqartut?

Tupaniq nioqqutissiat puuini ullumikkornit annerusumik/allaanerusumik paasissutissanik allannguutaasussatut suunukua eqqarsaatigineqartut?

Nunani allani tupat puuisa mianersoqqussutinik assiliartalersuiffiusuni qanoq sunniuteqarsimaneranik ilisimalikkanillu Naalakkersuisuniit piniarniarlusi neriorsuinikuugassi, sumummita killippa?

Malik Berthelsen, Siumut

Tunngavilersuut:

Oqaatigineqartarpoq Kalaallit Nunaanni kræftimik nappaatit 50%-iisa missaat pinaveersaartinneqarsinnaagaluartut, tamatumunnga annerusumik pissutaalluni pujortartarnerup kingunerisaanik puatsigut kræfteqalersarneq.

Pujortartarnerup pinaveersaartinneqarnissaanut sakkuusinnaasut tamaasa atortariaqarpagut. Kræfti pillugu nassuiaat 2011-imi anguniagassatut oqaatigineqartut, qanoq anguniarneqarnissaat qulaani apeqqutikka innersuussutigalugit nassuiaatigeqqugaluarpakka.